

Bad Vöslau, Fortsetzung

frage: wos wüüst du von mir?

antwort: is da faad in da goschn?

imma fett is a a geregeltes leben!

wauns wor is dolores!

waun i net gleich aufs häusl geh daun hob is in da hosn – de dodln von hodn

keiner lacht so wie beethoven – dodododooooooooo

buongiorno adorno

frage: ich habe einen fehler.

antwort: und was ist mit dem beispiel?

frage: wars lang gestern?

antwort: aber schlafen gegangen bin ich früh.

des siecht a blinder, i bin ka gschwinda

do kennt a nix, da asterix

wer kuli und frankenfeld

der hat recht auf krankengeld

ist die gans verblödet oder ganz verblödet

do scheisst da hund aufs feiazeig

In Lunz, Restaurant

Sie, 53-jährige Ehefrau zu ihrem 70-jährigen Mann: Oba dass jetzt net wieder glei ois ausgibst und olle eilaudst, sonst gibts nix mehr. Mit dem muast drei Tog auskumman.

Tochter zur Mutter, die etwas vergessen hatte: Du bist eine blöde Kuh!

Nestroy Stüberl, Wien II

Heit wird unsa Popst eigrobn. Vier Millionan san durt. Von jedn nur an Euro, san vier Millionan, do brauchst kann Lotto-Sechsa. 29 Euro kost de Foart. Untam Petarsdom. Do kummst du jo gor net hin. – I hob an Ausweis. Aaso, des is wos aundas – do ziagst da des gstrafte Hosal au, an Huat und an Opfe und sogst du bist da Wilhelm Tell extra aus da Schweiz augreist!

Vier Präsidenten san aangreist aus de UESA, es derfn oba net olle hin. Im Fernsehen host as a gsehn. In Wien heite, bei da Schlägerei. Spüt a beim Tatort mit, do prigt a a de Weiba. Do rennans mit soichane Augn und soo an Lippal umadumm.

Hallo Oskar – brauchst no an Wintamauntl (*hat an diesem sonnigen Frühlingstag im April Winterkleidung an*)? Nehmen sie noch warme Schuhe. Beim Bundesheer hob i meine Schweisla wegkriagt – im Summa bin i mit de schwarn Stiefe umadummgrennt. (*Bringt das Bier*) Bitte Oskar – soll i da de Heizung aussetuan? Na danke, geht scho.

Bitte sehr, no a Bier. Jetzt hob i neiche Brünn bestöt beim Hartlaua – gestaan hob i mei Brünn gfundn in da Eckn, bei da Rehrn. Obestön. Stornogebühr is die Hälfte von da neichn. Bist deppart. Is wurscht, hob i zwa. Is scho a hoibs Dioptrin sterka. Is a Gucci. Um neinasibzg Euro.